

AUGLÝSING

um breytingu á aðalskipulagi Kópavogs 2000-2012, Kópavogstún.

Samkvæmt 19. gr. skipulags- og byggingarlaga nr. 73/1997 hefur ráðherra þann 3. nóvember 2005 staðfest breytingu á aðalskipulagi Kópavogs 2000-2012, frá 23. apríl 2002.

Breytingin felst í því að svæði fyrir þjónustustofnanir á Kópavogstúni breytist í íbúðarsvæði og opin svæði. Austast á svæðinu, næst Kópavogsbænum, stækkar svæði með blandaðri landnotkun (þjónustusvæði og opið svæði til sérstakra nota).

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki bæjarstjórnar Kópavogs. Skipulagsstofnun hefur afgreitt erindið til staðfestingar.

Breytingin öðlast þegar gildi.

Umhverfisráðuneytinu, 3. nóvember 2005.

Sigríður Anna Þórðardóttir.

Ingibjörg Halldórsdóttir.

AUGLÝSING

um deiliskipulag á Akranesi.

Breyting á deiliskipulagi Breiðarsvæðis.

Á fundi bæjarstjórnar Akraness sem haldinn var þann 12. apríl 2005, var samþykkt deiliskipulagsbreyting á lóðunum við Vesturgötu 14 og Hafnarbraut 8 á Akranesi.

Breytingin felst m.a. í að skilgreina byggingareit innan lóðarinnar. Byggingareitur verður á lóðamörkum á þrjá vegu. Nýtingarhlutfall lóðar verði 0,9. Hámarkshæð húsa verði 8 metrar. Að hluta til verði heimild til að setja skrifstofu- og þjónustubyggingu upp á 2 hæðir. Kvöð verður á lóð Hafnarbrautar 8 um að á þeirri lóð verði 4 bílastæði sem lóðin Vesturgata 14 hefur til afnota.

Framangreind deiliskipulagsbreyting var grenndarkynnt skv. 2. mgr. 26. gr. skipulags- og byggingarlaga nr. 73/1997 og hefur hlotið þá meðferð sem skipulags- og byggingarlög mæla fyrir um.

Deiliskipulagsbreytingin tekur þegar gildi.

Akranesi, 3. nóvember 2005.

Sviðsstjóri tækni- og umhverfissviðs,

Þorvaldur Vestmann.